

Фельдъегерлик хизмати кўрсатишига

**ШАРТНОМА № 25**

2022 й. «5» 01

Тошкент шаҳри

Ўзбекистон Республикаси Ахборот технологиялари ва коммуникацияларини ривожлантириш вазирлиги Давлат фельдъегерлик хизмати тўғрисидаги Низом асосида иш кўрувчи кейинги ўринларда «Бажарувчи» деб аталадиган Ўзбекистон Республикаси ахборот технологиялари ва коммуникацияларини ривожлантириш вазирлиги Давлат фельдъегерлик хизмати номидан хизмат бошлиги О.К.Садиков ва кейинги ўринларда «Буюртмачи» деб аталадиган Ўзбекистон Миллий телерадиокомпаний

иккинчи томондан ушбу шартномани қўйидагилар тўғрисида туздилар:

**1. Шартнома мавзуси**

1.«Буюртмачи»нинг жўнатмаларини Ўзбекистон Республикаси вилоят марказларигача ва Тошкент шаҳри бўйича қабул қилиш ва етказиб бериш ҳамда «Бажарувчи»нинг тасдиқланган жадвали бўйича Москва шаҳри (Россия) орқали МДҲ мамлакатлари вилоят марказларигача етказиб берилишини таъминлаш шартнома мавзуси ҳисобланади.

1.2. «Буюртмачи»нинг жўнатмаларни дам олиш ва байрам кунларидан ташқари ҳар куни соат 09-00 дан 17-00 гача «Буюртмачи» ёки «Бажарувчи»нинг биносида қабул қилинади. Жўнатмаларни Буюртмачининг биносида қабул қилиш учун Буюртмачи бир кун аввал қўйидаги (71) 245-08-60, (71) 245-08-61 телефон раками орқали берилган буюртмаси асосида бажарилади.

1.3.«Буюртмачи»нинг биносида жўнатмалар қабул қилинганлиги учун автотранспорт берилганлиги учун тўлов, шунингдек ҳар бир жўнатмадан қўшимча йигим ундирилади. Кўрсатилган қўшимча хизматлар учун ҳисоб-китоб амалдаги тарифга мувофиқ бажарилади.

**2. Етказиб бериш шартлари**

2.1.«Бажарувчи»Ўзбекистон Республикасининг вилоят марказларигача жўнатмаларни «Буюртмачи» томонидан кўрсатилган манзил бўйича қўлдан қўлга етказиб беради. Агар жўнатмаларни олувчи вилоят марказидан қўйида жойлашган бўлса, жўнатмалар маҳсус алоқа тармоғи орқали берилади.

2.2.Жўнатмаларни етказиб бериш «Бажарувчи»нинг автотранспорти орқали (истисно холларда «Буюртмачи»нинг автотранспорти орқали), жўнатмаларни олувчи жойлашган манзилига қараб авиа ва темир йўл транспорти орқали амалга оширилади.

2.3.Зарурат бўлганда «Буюртмачи» «Бажарувчи» билан келишув бўйича жўнатмаларни йўналиш доирасидан ташқари-фельдъегерлар билан (нарочко) юбориши мумкин. Бунда «Буюртмачи» амалдаги харажатларни тарифга мувофиқ тўлайди.

2.4.«Буюртмачи»нинг жўнатмалари бўлмаганда ёки жўнатмалар тайинланган муддатда жўнатишига тайёр бўлмаганда, фельдъегернинг назорат варагига «жўнатмалар йўқ» деган белги қўйилади ва «Буюртмачи»нинг имзоси ва муҳри билан тасдиқланади. Ушбу ҳолатда амалдаги тарифга биноан транспорт харажатлари учун ҳақ тўланади.

2.5.«Бажарувчи» жисмоний шахсларга, ҳамда бозорлар, савдо комплекслар ёки турар жойлар (уилар) жойлашган манзиллар бўйича йўналтирилган жўнатмаларни қабул қилмайди ва етказиб бермайди.

20.01.2022  
08:01:2022

### 3. Шартнома суммаси ва уни тўлаш тартиби

3.1.Шартноманинг умумий суммаси 12 000 000

(йк архе жемисон) сўмни ташкил этади.

3.2. «Буюртмачи» «Бажарувчи»нинг ҳисоб-китоб рақамига умумий сумманин 30 фоизи миқдорида олдиндан ҳақ тўлайди. Умумий сумманин қолган қисми ҳақиқий кўрсатилган хизматлар учун йил давомида тўланади. КҚС ҳисобланмайди.

3.3. Кўрсатилган хизматлар учун ҳақ амалдаги тариф асосида тақдим этилган ҳисоб фактурага асосан жорий ойнинг 10-кунигача тўланади. Кўрсатиладиган хизматларга тасдиқланган тариф шартномага илова қилинади.

### 4. «Бажарувчи»нинг ҳуқуқ ва мажбуриятлари

4.1.«Бажарувчи»жўнатмаларни қабул қилиб олинган пайтдан улар оловчига топширилган пайтгача жўнатмаларнинг сақланишини таъминлаш юзасидан барча зарур чораларни кўриш мажбуриятини ўз зиммасига олади.

4.2. «Бажарувчи» «Буюртмачининг» жўнатмаларини, оловчилар жойида бўлган, кўрсатилган манзилдан кўчиб кетмаган, оловчилар бозорлар, савдо комплекслар ёки турар жойларда (уйларда) жойлашмаган ҳолларда, Тошкент шаҳри ва Ўзбекистон Республикаси вилоят марказларигача 72 соат мобайнида етказиб бериш мажбуриятини ўз зиммасига олади, дам олиш ва байрам кунлари бундан мустасно.

4.3 Тарифлар ўзгарган тақдирда «Бажарувчи» «Буюртмачи»га янги тасдиқланган тарифларни ўз вақтида юбориш ва кўрсатилган хизматлар учун янги тарифларга биноан ҳисоб-китоб қилиш мажбуриятини ўз зиммасига олади.

4.4.«Бажарувчи» «Буюртмачи» дан қабул қилаётган жўнатма ностандарт, яъни катта, оғир ёки шубҳали бўлган ҳолларда жўнатмани «Буюртмачи»нинг вакили иштирокида очиб кўриш ҳуқукига эга.

4.5.«Бажарувчи» заруриятга кўра «Буюртмачи»дан «Бажарувчи» орқали юбориладиган, Ўзбекистон Республикаси Давлат божхона қўмитаси ёки тегишли органлар томонидан расмийлаштирилган мазкур жўнатмани олиб чиқишига рухсатнома талаб қилиш ҳуқукига эгадир.

4.6.«Бажарувчи» етказиб бериладиган жўнатмаларни қўриқлаш тартибини, шунингдек юборилаётган жўнатмаларни турлари ва чекланган нормаларини ишлаб чиқиши ва белгилashi ҳамда ташишларнинг навбатма-навбатлигини белгилаш ҳуқукига эгадир.

### 5. «Буюртмачи»нинг ҳуқуқ ва мажбуриятлари

5.1.«Буюртмачи» «Бажарувчи» орқали юбориладиган махфий жўнатмаларни Ўзбекистон Республикасининг махфий иш юритиши талабларига мувофиқ расмийлаштиришга мажбурдир.

5.2.«Буюртмачи» махфий бўлмаган пакетдаги жўнатмаларни халқаро почта стандартларига мувофиқ расмийлаштириши шарт (конвертнинг чап юкори бурчагида:жўнатувчининг номи, унинг манзили, шаҳар, республика; конвертнинг ўнг қуиқисмида: оловчининг номи, унинг манзили, шаҳар, давлат, телефон), манзил кўрсаткичидан олдин «Қаердан» ва «Қаерга» («Кимга») сўзларини ёзиши керак.

5.3.«Буюртмачи» манзилга оид маълумотларни ва пакетлардаги бошқа ёзувларни ёзув машинкасида босмахона усулида, сиёҳ ёки шарикли ручка билан аниқва тушунарли қилиб (сиёҳ ёки паста кора, кўк ёки бинафша рангда бўлиши керак) ёзиши шарт. Оловчининг манзили қисқартирилмасдан ёзилиши зарур.

5.4.Пакетнинг орқа томонига «Буюртмачи» конверт елимланган чизик бўйича барча қопқокларда ўзининг мастика муҳри оттискини кўйиши шарт. Пакетли жўнатмалар Ўзбекистон Республикаси бўйича 5кг 11\*15 см 15\*25 см 25\*35 см дан ошмаслиги лозим. Қоғозли юкли жўнатмаларни чекланган оғирлиги 10 кг. Бўлинмайдиган яхлит жўнатмалар 20 кг гача бўлиши керак. Қопли юкли жўнатмаларни чекланган оғирлиги 10 кг. Бўлинмайдиган яхлит жўнатмаларники 20-25 кг гача бўлиши лозим.

5.5. Ушбу шартноманинг 4.4. бандида кўрсатилган холларда «Буюртмачи» «Бажарувчи» талабига кўра жўнатмани муҳрлашдан олдин очиб кўрсатиши шарт.

5.6. Юридик манзиллар, банк реквизитлари, телефон ракамлари ўзгарган тақдирда томонлар бир-бирини ёзма равишда хабардор қилиш мажбуриятини ўз зиммаларига оладилар.

5.7. Агар жўнатмалар «Буюртмачи»нинг биносида қабул қилинса, «Буюртмачи» «Бажарувчи»га жўнатмаларни қабул қилиш учун алоҳида жўнатмалар билан ишлашга мослаштирилган хона билан таъминлаши зарур.

5.8. Агар жўнатмалар «Буюртмачи»нинг биносида қабул қилинса «Буюртмачи» бир сутка олдин «Бажарувчи»га буюртма бериши керак.

5.9. «Буюртмачи» «Бажарувчи» орқали юбориладиган жўнатмаларнинг оғирлигини ўзи тортиб кўриш ва реестрларда шахсан қайд этиш хуқуқига эгадир.

5.10. «Буюртмачи» «Бажарувчи» томонидан жўнатмалар топширилганлиги тўғрисида маълумотнома сўраш хуқуқига эгадир.

## **6. Томонларнинг жавобгарлиги**

6.1. Жўнатмалар ўз вақтида етказиб берилмаган ёки етказилмаган тақдирда «Бажарувчи» «Буюртмачи»га ўз вақтида етказиб берилмаган жўнатмаларнинг ҳар бир кечикирилган куни учун 0,5фоиз, бироқ ўз вақтида етказиб берилмаган ёки етказилмаган жўнатмалар умумий суммасининг 50 фоизидан кўп бўлмаган микдорда пеня тўлайди.

6.2. Юборилаётган жўнатмаларга «Бажарувчи»нинг айби билан зарап етказилган тақдирда «Бажарувчи» қонун хужжатларида белгиланган тартибда жавобгар бўлади.

6.3. «Бажарувчи» томонидан кўрсатилган хизматларга ҳақ тўланмаганлиги учун «Буюртмачи» «Бажарувчи»га ўзи тўлашдан бош тортган сумманинг 15 фоизи микдорида жарима тўлайди.

6.4. Хизматларга ўз вақтида ҳақ тўламаганлиги учун «Буюртмачи» «Бажарувчи»га кечикирилган ҳар бир кун учун муддати ўтказиб юборилган тўловнинг 0,4 фоизи микдорида, бироқ муддати ўтказиб юборилган тўловнинг 50 фоизидан ортиқ бўлмаган микдорда пеня тўлайди.

## **7. Тақиқлар**

7.1. Қуйидагилар тақиқланади:  
мазкур Шартноманинг 5.1, 5.2, 5.3, 5.4-бандларида кўрсатилган талаблар бузилган ҳолда расмийлаштирилган жўнатмаларни жўнатиши.

«Бажарувчи» орқали контрабанда, радиоактив, заҳарловчи, портлаш хавфи бўлган, тез алангаланадиган ва Ўзбекистон Республикаси қонунчилигига тақиқланган бошқа моддалар ва буюмларни жўнатиши.

## **8. Форс-мажор**

«Бажарувчи» форс-мажор ҳолатларда жўнатмалар йўқолганлиги, ўғирланганлиги ёки шикастланганлиги учун жавоб бермайди, айнан:

- 8.1. Сув тошқини, ёнғин, зилзила бўлганда ва бошқа табиий оғатларда;
- 8.2. «Бажарувчи»нинг ходими ҳалок бўлганда ёки фавқулодда вазиятларда;
- 8.3. Мазкур Шартноманинг 7-бўлимида кўрсатилган моддалар ва буюмлар «Бажарувчи» орқали жўнатилганда ёки контрабанда ва тақиқланган тижорат жўнатмалари ваколатли органлар томонидан хисбсга олинганда ёки мусодара қилинганда;
- 8.4. Ноқулай метеорология шароитларида ва ҳаво кемасининг техник носозлигига.
- 8.5. Форс-мажор ҳолатларда «Бажарувчи» «Буюртмачи»ни ёзма равишида хабардор қиласди.

## 9. Низоларни ҳал этиш

9.1. Мазкур Шартнома бажарилиши билан боғлиқ барча низолар мумкин қадар томонларнинг музокаралар олиб бориши ёхуд даво хати жўнатиш йўли билан ҳал этилиши керак.

9.2. Томонлар келишувга эришмаган тақдирда низоларни ҳал этиш Ўзбекистон Республикасининг амалдаги қонунчилигига мувофиқ суд тартибида амалга оширилади.

## 10. Шартноманинг амал қилиш муддати

10.1. Мазкур Шартнома томонлар имзолаб, Ўзбекистон Республикаси Молия Вазирлиги Газначилигига рўйхатдан ўтказилган кундан бошлаб кучга киради ва 2022 йил 1 экввар дан 2022 йил 31 декабр гача амал қиласди. Тарафлар ўртасида келгуси молиявий йил учун янги таҳирдаги фельдъегерлик хизмати кўрсатиш ҳақидаги шартнома имзоланиб, ижрога киритилгунга қадар, ушбу шартнома муддати амалда бўлади.

10.2. Мазкур Шартномага киритилган ҳар қандай ўзгартириш ва қўшимчалар, агар улар ёзма шаклда расмийлаштирилган ва томонларнинг ҳар бири томонидан имзоланган бўлса, бажарилиши мажбурий ҳисобланади.

10.3. Мазкур Шартнома икки нусхада тузилди, уларнинг ҳар иккаласи бир хил юридик кучга эга.


### Томонларнинг юридик манзиллари, банк реквизитлари ва телефонлари

#### «БАЖАРУВЧИ»

Тошкент ш. Шайҳонтохур тумани  
Қоратош кўчаси, 5уй  
Тел.71 245-08-60,71 245-08-61




Хизмат бошлиғи О.К.Садиков



М.ў.

#### «БУЮРТМАЧИ»

Ўзбекистон миллий телерадиокомпанияси  
Тошкент шаҳар Навоий кўчаси, 69 ўй  
Тел/факс: (71) 214-99-33, (71) 214-99-36  
Шғҳ: 400 110 860 262 777 084 200 137 015  
СТИР: 200 935 548 ИФУТ: 84111  
Газначиллик амалиёт Баш бошқармаси  
ЯФХ: 23 402 000 300 100 001 010  
Марказий банкнинг Тошкент шаҳар Баш бошқармаси  
Ҳисоб-китоб касса маркази (ХКМ) МФО: 00014  
Газначиллик бўлинмасининг СТИР: 201 122 919



reg № 20 «05» 01 2022

o. Sh. Matvayev